

Broj: 05-02/2-557/17

Datum: 27. veljače/februara 2017. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**GENERALNI SEKRETARIJAT VLADE FEDERACIJE BiH**  
**n/r gospođa Edita Kalajdžić, sekretar Vlade**

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO  
06-03-2017

| Primitjeno: | Broj | Priloga | Vrijednost |
|-------------|------|---------|------------|
| 05/2 -      | 02 - | 63      | 17         |

**Predmet:** Odgovor na delegatsko pitanje, **dostavlja se**

**Veza:** Vaš akt broj 03-05-245/2017 od 21. veljače/februara 2017. godine

Poštovana,

U vezi Vašega akta broj i datum veze kojim ste Federalnom ministarstvu rada i socijalne politike dostavili delegatsko pitanje koje je na 18. redovnoj sjednici Doma naroda Parlamenta Federacije BiH od 09. veljače/februara 2017. godine postavila delegatkinja Segmedina Srna Bajramović, u dijelu koji se odnosi na poboljšanje statusa porodilja u Federaciji BiH informiramo Vas sljedeće:

Na svojoj 40. sjednici od 12. veljače/februara 2016. godine Vlada Federacije Bosne i Hercegovine je donijela Zaključak V. broj 350/2016 kojim je zadužila Federalno ministarstvo rada i socijalne politike, Federalno ministarstvo zdravstva i Federalno ministarstvo financija da razmotre pitanje opravdanosti lociranja porodilja u radnom odnosu u sistem socijalne zaštite i pripreme prijedlog mogućih rješenja ove problematike za jednu od narednih sjednica Vlade Federacije Bosne i Hercegovine. Shodno navedenom, Vlada Federacije Bosne i Hercegovine je na svojoj 50. sjednici, na prijedlog Federalnog ministarstva rada i socijalne politike, donijela Rješenje o imenovanju Radne grupe za izradu prijedloga mogućih rješenja vezanih za pitanje porodilja u radnom odnosu, V. broj 966/2016 od 22. travnja/aprila 2016. godine. Postupajući po zaduženjima iz predmetnog Rješenja, Radna je grupa izvršila analizu trenutnog statusa porodilja u radnom odnosu i napravila prijedlog mogućih rješenja ove problematike koji je sadržavao nekoliko mogućih opcija ili scenarija:

Opcija a): Zadržavanje trenutnog stanja s dvije moguće podopcije:

1. Ne poduzimati nikakve daljnje korake u smjeru rješavanja statusa zaposlenih porodilja, prepuštajući predmetno pitanje kantonalnim razinama vlasti i kantonalnim propisima kao što je i sada slučaj;
2. Pristupiti izmjenama i dopunama federalnog propisa s ciljem utvrđivanja jedinstvenih kriterija za ostvarivanje ovoga prava, posebice u segmentu definiranja jedinstvene osnovice za obračun, odnosno jedinstvenog postotka od utvrđene osnovice pri čemu financiranje i dalje ostaje na kantonalnoj razini u okviru sistema socijalne zaštite.

Opcija b): Reintegriranje prava na naknadu zaposlenoj porodilji u sistem prava iz radnog odnosa i zdravstvenog osiguranja s dvije moguće podopcije:

1. Sistem zdravstvenog osiguranja u cijelosti preuzima administriranje i financiranje prava na naknadu zaposlenoj porodilji kroz kantonalne zavode zdravstvenog osiguranja;
2. Sistem socijalne zaštite nastavlja administrirati i isplaćivati navedeno pravo uz refundiranje isplaćenih sredstava po osnovu ovoga prava iz sistema zdravstvenog osiguranja.


Opcija c): Financiranje prava na naknadu zaposlenoj porodilji s razine Federacije BiH s dvije moguće podopcije:

1. Potpuno ili djelomično financiranje prava na naknadu zaposlenoj porodilji direktno iz Proračuna Federacije BiH kroz kreiranje posebne proračunske linije pri nekom od federalnih ministarstava, koje bi planiralo sredstva za navedenu namjenu i administriralo predmetnu naknadu;
2. Osnivanje posebnog vanproračunskog fonda kroz koji bi se financiralo i administriralo ne samo ovo pravo, nego i sva druga prava iz oblasti zaštite obitelji sa djecom.

Na svojoj 66. sjednici od 25. kolovoza/avgusta 2016. godine Vlada je razmotrila navedeni prijedlog, te je donijela Zaključak V. broj 1766/2016 kojim je usvojila Prijedlog mogućih rješenja problema zaposlenih porodilja u Federaciji BiH, te je zadužila Radnu grupu da, u suradnji s Federalnim ministarstvom rada i socijalne politike, Federalnim ministarstvom zdravstva i Federalnim ministarstvom financija, sačini dodatne financijske analize mogućih rješenja problema zaposlenih porodilja u Federaciji BiH koje će sadržavati trogodišnju procjenu financijskih izdvajanja za ovo pravo, kao i moguće izvore njegovog financiranja, te da iste dostavi Vladi Federacije BiH s ciljem dodatnog sagledavanja ove problematike. Postupajući sukladno navedenom zaduženju, Radna je grupa sačinila trogodišnju procjenu financijskih izdvajanja za naknadu porodilji u radnom odnosu koja je razmatrana i usvojena na 89. sjednici Vlade Federacije BiH od 03. veljače/februara 2017. godine. Tom je prilikom donesen Zaključak V. broj 170/2017 čijom je točkom 2. uvažan stav Federalnog ministarstva rada i socijalne politike da opcija koja predviđa mogućnost zadržavanja postojećeg stanja, odnosno financiranja ovoga prava kroz sistem nedoprinosnih socijalnih davanja nije prihvatljiva s pozicije ovoga Ministarstva, te da je riječ o pravu koje proistječe iz radnog odnosa, a ne iz stanja socijalne potrebe i da bi njegovo financiranje, temeljem načela reciprociteta, trebalo biti vezano za one izvore u koje porodilje redovito uplaćuju pripadajuće poreze i doprinose.

Slijedom navedenog, ovo je Ministarstvo već pokrenulo proces konzultacija s resornim kantonalnim ministarstvima koji bi u narednih nekoliko mjeseci trebao dovesti do izrade Zakona o zaštiti obitelji sa djecom i njegovog upućivanja u daljnju proceduru usvajanja.

MINISTAR

  
Vesko Drljača

**Dostaviti:**

- Naslov
- Segmedina Srna Bajramović, delegatkinja Doma naroda Parlamenta Federacije BiH
- Sektor za socijalnu zaštitu i zaštitu obitelji i djece
- a/a